

Rinucciu di a rocca

NARRATORI :

In a pievi d'Attallà, Quand'è lu soli trabocca
Steti à senta la lighjenda, Chì corri di bocca in bocca
A lighjenda di Rinucciu, Rinucciu di la casa Rocca
In a pievi d'Attallà, Quand'è lu soli trabocca

POPULU :

Natu bastardu s'hè fattu signori
Fattu signori hè mortu banditu

RINUCCIU :

Altra scola ùn fù par mè ch'è archibusgi è balestri
E' chì farravu à l'inverciu, i me più cavaddi lestri
E s'è mai ùn fubbi servu, un ebbi mai maestri
E s'è mai ùn fubbi servu, un ebbi mai maestri

NARRATORI :

Ind'è l'ochja di Sirena
Vissi a stedda di l'amori
Chì lucicava ab eternu
In fondu di lu so cori
Tandu li deti un cunventu
Da fanni u so spannacori
Ind'è l'ochja di Sirena
Vissi a stedda di l'amori

POPULU :

Natu bastardu S'hè fattu signori
Fattu signori Hè mortu banditu

RINUCCIU :

Fù par edda la me moglia
Ch'e scuzzulai lu pesu
D' a me razza d'a me sorti
E di lu me sangui offesu
Par edda ch'e duvintai

Solu signor' cinarchesu
Par edda ch'e duvintai
Solu signor' cinarchesu

NARRATORI :

Da Cinarca la gluriosa, Finu à la Roccataadda
Da Barici à Senetosa , è Roccapina infiarata
Contru à lu ghjinuvesu, cuminciò la so cruciata
Da Cinarca la gluriosa, finu à la Roccataadda

RINUCCIU :

Tandu mi so presu a machja da la sorti culpitu
Sciuvarendu lu camminu, di Libartà fiuritu
E currarà la lighjenda, ch'e mi ni morsi banditu
E currarà la lighjenda ch'e mi ni morsi banditu

POPULU :

Natu bastardu s'hè fattu signori
Fattu signori hè mortu banditu

Paulu Desanti / Marcu Valentini